

فيديو #٩٩ من مقاطع حظر التجول تدبر سورة مريم #٩ الآيات:

٤٧-٤٨

فاضل سليمان

السلام عليكم ورحمة الله وبركاته. اهلا بحضراتكم في المقطع رقم تسعة وتسعين من مقاطع حظر التجول والمقطع رقم تسعة من مقاطع تقع صورة مريم آآ اعتذر على العطل الفني اللي حصل مع الاخوة بتوع اليوتيوب. وآآ اضطريت ان انا اغير الرابط. للاسف الشديد. خليني على ما الناس - [00:00:06](#)

اقرا لكم رسالة جات لي النهاردة واسعدتني جدا جدا على تويتر آآ جالي الرسالة دي النهاردة السلام عليكم مهندس فاضل مش عارفة حضرتك هتشوف الرسالة دي ولا لأ بس حسيت اني لازم ابلغك. انا فلانة سني واحد وعشرين سنة. من فترة قريبة كانت -

[00:00:36](#)

بتجيلي افكار الحادية ووسوسة ورغبة عارمة في الانتحار. وصلت لمرحلة صعبة جدا وانا اصلا بعاني من مرض ولما فاض بي حكيت لصديقتي عن حالتي فارسلت لي حلقة لك بعنوان القرآن ينتصر مرة اخرى. اللي فيه ذكرى وعبرة - [00:01:00](#)

التالت واذ بي اتفاجأ ان قصة البنت مريم نسخة مني بادق التفاصيل فقررت اعمل زي ما حضرتك قلت لها تدبر القرآن والتربية الايمانية وكتاب التوازن التربوي بتاع الدكتور مجدي الهالي. وبصراحة - [00:01:22](#)

ما كنتش متوقعة نتيجة ملموسة في حالتي بس من اول ما بدأت وانا حاسة براحة وتحسن كثير عن الاول وبدأ ينبت في قلبي يقين ان القرآن هو الحل. لاني بقيت اول ما بابعده عنه باتعب ومش عارفة ازاى حصل - [00:01:41](#)

السرعة دي بس انا اتغيرت للاحسن بكثير وكثير من الدوشة اللي جوايا هديت وان شاء الله مكمله حقيقي شكرا جدا. انا مش باقول لكم الكلام ده عشان خاطر تسقفوا لي. لأ - [00:02:01](#)

انا بقول لكم الكلام ده عشان احنا اول ما بدأنا برنامج التدبر اليومي بتاعنا مقاطع حظر التجول. كنا حوالى الفين الى الفين وخمسمية شخص كل يوم بيتابعوا الفيديو يوميا على اليوتيوب الفين وخمسمية - [00:02:16](#)

آآ العدد ده النهاردة بقى حوالى اربعة الاف وخمسمية بعد ميت يوم بكرة ان شاء الله احنا هنتفل وعايذ بقى احلى صور بقى التورتات ورقم مية وبتاع بكرة ليه؟ احنا عايزين نجذب اكبر عدد من الناس معنا - [00:02:33](#)

واحنا مش بنجيب الناس على حاجة وحشة احنا بنجيبهم معنا ياكلوا معنا بندوقهم على مائدة القرآن. لو النبي صلى الله عليه وسلم حضر النهاردة وشافنا واحنا بنعمل اللي بنعمله ده. هيفرح بنا ولا لأ - [00:02:48](#)

آآ ندعو الآخرين لتدبر القرآن معنا ونجيب اكبر عدد معنا. خلينا نبدأ بقى ان شاء الله النهاردة قلنا احنا النهاردة في المقطع رقم تسعة وتسعين من قطع حظر التجول والمقطع رقم تسعة من مقاطع مريم - [00:03:04](#)

آآ سبحان الله ان شاء الله بكرة يكون المقطع رقم مية من مقاطع حظر التجول. عشرة مريم واخر مقطع في مريم ثم نبدأ عراء بازن الله بعد كده. كل واحد بقى يكون معه مصحف بافكركم بالمصاحف - [00:03:20](#)

اخر اية تدبرناها امبارح كانت الاية ثلاثة وسبعين في سورة مريم. شفنا بعد عرض عذاب هم الجماعة الكفار في جهنم ربنا بيفكرنا باللي هم عملوه في الدنيا من العناد والتكذيب لايات الله والتكبر - [00:03:37](#)

تعالى على المؤمنين في الدنيا. اقرا معي ثلاثة وسبعين عشان نسترجع اعوذ بالله السميع العليم من الشيطان الرجيم واذا تتلى عليهم

اياتنا بينات قال الذين كفروا للذين امنوا. اي الفريقين خير - 00:03:55

خير مقامه واحسن نديا. يعني لما كانت تتلى عليهم ايات ربنا بوضوح الكفار كانوا يقولوا للذين امنوا ها لو كنتم انتم على حق واحنا على باطل ليه احنا احسن منكم من النواحي المادية - 00:04:15

ليه احنا قعداتنا احسن بيوتنا احسن؟ آآ الاندية بتاعتنا انصف اقرا بقى اربعة وسبعين وشف القرآن ببطل الحجة بتاعتهم دي ازاي اربعة وسبعين بداية التدبر بتاعنا النهاردة وكما اهلكنا قبلهم من قرن هم احسن اثاثا ورثيا - 00:04:35

يعني هم بيتنططوا عليكم ويقولوا لكم ها بصوا احنا عاملين ازاي والفخفة اللي احنا فيها والفلوس اللي معنا والبيوت بتاعتنا شكلها عامل ازاي والقصور والكلام ده كله فربنا بيقول طب واحنا اهلكنا قبلكم اقوام قد ايه - 00:05:00

بيوتهم كانت اشيك. احسن واثاثا ورؤية ومنزهرهم كان انصف كمان ها ايه رأيك يعني انتم كده بتتمنظروا بالمنزر بتاعكم دول كانوا اشيك منكم وانصف منكم واحسن منكم وكل حاجة واهلكناهم - 00:05:16

هم قالوا ايه؟ اي الفريقين خير مقاما واحسن نديا؟ شوفوا احنا عايشين ازاي في فخفة ها آآ يبقى اكيد احنا اللي صح القرآن قال لهم افتركوا قوم عدو ثمود وصالح ولوط كانوا اشيك منكم منظرهم احسن من مناظركم. بس خلاص وقعت حصل فيهم ايه -

00:05:32

كانوا هم على باطل وربنا عاقبهم. طيب طب ما كده مخنا بدأ يتسائل ازاي الناس ضالة وربنا بيديهم ماديات بتاعة الدنيا وبيديهم فلوس وقوة ممكن يكون مديهم فلوس وقوة اكثر منا كمان اكثر - 00:05:52

طبعا القرآن قراك دلوقتي وقرا افكارك وبيجاوبك بقى في الاية خمسة وسبعين. بص خمسة وسبعين قل من كان في الضلالة فليمدد له الرحمن مد حتى اذا رآوا ما يوعدون اما العذاب واما الساعة فسيعلمون. من هو شر مكانا واضعف جندا - 00:06:15

يعني قل من كان في الضلالة فليمدد له الرحمن مد. اللي اختار الضلال ربنا بيمد له وبيستدرجه بالفلوس وبالقوة وبالسلطة. في سورة الانعام الاية اربعة واربعين. ربنا بيقول فلما نسوا ما ذكروا به لما نسيوا وتركوا - 00:06:39

القرآن والتوراة والانجيل والكلام اللي ربنا ذكرهم به ده فتحنا عليهم ابواب كل شيء حتى اذا فرحوا بما اوتوا اخذناهم بغتة فاذا هم مبلسون المجرم لما ربنا يعطيه مال وقوة وسلطة ربنا بيستدرجه عشان يفرح بها ثم بينزل عليها عذاب ربنا. نرجع للاية خمسة

وسبعين في سورة مريم ثاني - 00:07:01

قل من كان في الضلالة فليمدد له الرحمن مد. حتى اذا رآوا ما يوعدون اما العذاب واما الساعة فسيعلمون من هو شر مكانا واضعف جنده. اللي بيختار الضلالة ربنا بيمد له مد وبيعطيه اكثر - 00:07:29

لغاية ما يتحقق وعد ربنا. اما العذاب في الدنيا زي الامم البائدة امة صالح وهود واثمود وعاد وامة لوط وكل وامة نوح اما الساعة اما العذاب في الدنيا واما الساعة واما يؤخر عجبهم ليوم القيامة. واما العذاب في الآخرة - 00:07:45

ساعتها هيعرفوا مين اللي موقفه او حش واضعف. فسيعلمون من هو شر مكانا واضعف جندا. هم ولا المؤمنين سؤال بقى يعني اللي يبقى مادي ربنا يعطيه اكثر في الدنيا طيب ما هو ده في حد ذاته مكافأة حتى لو كانت استدراج مؤقت لكنه تمتع في الدنيا. لأ مش

حقيقي برضو ازاي؟ سورة طه احنا - 00:08:09

تدبرنا فيها الاية مية اربعة وعشرين في سورة طه ومن اعرض عن ذكرى فان له معيشة ضنكا. ونحشره يوم القيامة اعمى. اللي ربنا ادى له معيشة ضنكا ده ربنا ادى له فلوس وقوة وسلطة عشان تبقوا عارفين - 00:08:38

ما فيش سعادة الهدف من المال ايه؟ يحقق لك السعادة. والقوة والصوت تحقق لك السعادة. ايه قيمة انك تبقى في السلطة ومش قادر تطلع في البلکونة قيمة في السلطة وحتى لما تيجي تتكلم مع اقرب الناس لك انت خايف منهم وحاطط ازاز واقى من الرصاص

ايه قيمة ده! ما فيش سعادة - 00:08:56

ومن اعرض عن ذكرى فان له معيشة ضنكا. لا تتعارض معه ان ربنا يفتح عليهم ابواب كل شيء وضربنا مثل بالمليونيرات

والمليارديرات. اللي انتحروا ورموا نفسهم قدام القطر عشان يتفروا - 00:09:17

رغم وجود كل شيء في متناول ايديهم. شباب وفلوس وجمال وكل حاجة امال ايه ما فيش هنا ما فيش سعادة اقرا ستة والله العزيم الجماعة الكفار دول لو علموا اللي احنا بنشعر به واحنا بنتدبر القرآن لقاتلونا عليه بالسيوف - [00:09:37](#)

لو داقوا ده مش هيسيبوه اقرا ستة وسبعين عشان نشوف هل ربنا بيزود المهتدين بحاجة ولا هو بس الكفار اللي عمال يديهم ستة وسبعين. ويزيد الله الذين اهدوا هدى والباقيات الصالحات خير عند ربك ثوابها وخير مردا - [00:10:02](#)

اما اللي بيختار الهدى ربنا بيزيده هدى فوق هداه اخترت القرآن يدلك على التدبر هدى فوق الهدى اخترت تعمل آآ تشتغل لدين ربنا. يدلك على ناس تساعدك وتعمله مع بعض عمل يفيد دين ربنا. فيهديك فوق الهدد - [00:10:29](#)

اخترت تعمل لخدمة الناس والفقراء فيدلك على طريقة نافعة تنفعهم بها ويزيد الله الذين اهدوا هدى ويزودك في نفس المجال اللي انت مهتدي فيه. ليه والباقيات عشان خاطر تكثر اعمالك الصالحة. والباقيات الصالحات خير عند ربك ثوابا وخير - [00:10:52](#)

مرد عشان اعمالك الصالحة تزيد. وثوابك يتضاعف ويرد لك بافضل منه. اعمالك الصالحة ربنا سماها والباقيات الصالحات هي الاعمال الصالحات باقيات. قربنا سماها الباقيات الصالحات. ليه؟ لان الفلوس والقوى والسلطة مش باقية. بتروح - [00:11:20](#)

بتروح اعمالك الصالحة هي البقية ايه اللي ربنا بيوقفك لعملها تاخذ عليها ثواب ثم ترد لك وخير مردا وترد لك بافضل منها ومضاعفة لكن الفلوس والقوة والسلطة اللي بيديها للكفار بتزودهم سيئات. لانهم بيسيئوا استخدامهم - [00:11:41](#)

ده مش معناه ان المسلم يتوقف عن محاولات اكتساب الوسائل المادية والوصول للفلوس والقوة والسلطة. لكن ما تتحولش الى الهة نعبدها لازم تفضل وسائل لتحقيق الخير وتحقيق ما امر الله به. انت بقى معك فلوس عشان تساعد الناس - [00:12:07](#)

انت معك سلطة تحقق العدل. انت عندك قوة تساند الضعيف. هو ده هي اختبارات كلها قارن ده بقى بالاية بتاعة سورة الكهف ستة واربعين اللي خدناها الشهر اللي فات. المال والبنون زينة الحياة الدنيا - [00:12:26](#)

والباقيات الصالحات خير عند ربك ثوابا وخير املا هنا ويزيد الله الذين اهدوا هدى والباقيات الصالحات خير عند ربك ثوابا وخير مردا. وقلنا هناك املا لما جت مقرونة بالبنون لان انت بتخلف عيال هم املك في الحياة يسندوك لما تحتاجهم في المستقبل وتتعب في اخر عشرة - [00:12:43](#)

خمسناشر سنة من حياتك الاعمال الصالحة اللي انت بتخلفها وبتنجبها زي ما بتنجب عيال هي الباقيات الصالحات اللي هي املك في المستقبل ولكن في الاخرة مش في اخر عشرة خمسناشر سنة - [00:13:10](#)

هي خير ثوابا وخير ام لا في الكهف. خير عند ربك ثوابا وخير مردا في مريم. عشان الناس اللي بتحفز ما تطلعش عاوزين نقرا بقى خمسة وسبعين وستة وسبعين ونلاحز صيغة الدعاء - [00:13:26](#)

وكأن الله بيامر النبي بمباهلة الكفار. بص يعني ايه المباهلة؟ يعني يدعو دعاء بشكل عام على اللي في الضلالة ايا كان هم مين احنا او هم. ويدعوا بشكل عام للمهتدين ايا كان مين احنا او هم. اسمع كده - [00:13:46](#)

كل كل يا محمد من كان في الضلالة احنا قوي انتم فليمدد له الرحمن مدى حتى اذا رأوا ما يوعدون ان العذاب واما الساعة. فسيعلمون من هو شر مكانا واضعف جنده. مش - [00:14:06](#)

هم قالوا لنا بصوا احنا احسن منكم ازاى اكيد احنا اللي على حق ربنا بيقول له قل لهم سواء احنا او انتم يا رب اللي في الضلالة ربنا يمد له - [00:14:22](#)

لغاية ما ياخذ على دماغه في الدنيا او في الاخرة. ويعرف مين اللي شر مكانا وشر آآ جن. واضعف جندا. ويزيد الله الذين اهدوا هدى ويا رب اللي على هدى سواء احنا او انتم - [00:14:32](#)

ربنا يزودوا هدى فوق الهدى. ويزيد الله الذين اهدوا هدى. والباقيات الصالحات خير عند ربك ثوابا وخير مردا. ها ادعوا الدعاء ده معنا. اه ده اسمها المباهلة الغيب ان اتخذ عند الرحمن عهدا - [00:14:46](#)

العاصي ابن وائل للاسف ابو سيدنا عمرو بن العاص كان عليه فلوس لسيدنا خباب ابن الارادة. خباب ابن الارتس ده احد الصحابة كان بيصنع سيوف فعمل سيف مرصع بالحجارة الكريمة - [00:15:07](#)

الكلام ده للعاصي ابن وائل. وبعدين راح يطلب منه الفلوس. انت يا عم ما تدفعش فلوسه عليك ليه قال له انا عرفت انك اسلمت اه ده ايه علاقته بالبيزنس انا عرفت انك اسلمت. عايز ايه ؟ قال له تكفر بمحمد اسدد لك الفلوس اللي علي. بلطجة - [00:15:24](#)
بلطجة هم بلطجية سيدنا خباب قال له انا اكفر بمحمد ان شاء الله ابقى قابلني. عارف هاكفر به امتي ؟ لما انت تموت وتبعس ابقى تشوفني بقى باكفر ساعات اهو - [00:15:42](#)

قال لك اغيظه هو شكلها كده بلطج على الفلوس خلاص! ما فيش فلوس! فعلى الاقل ايه اغيظه قال له لو انا مت وبعثت فعلا يعني لو فيه فعلا بعث بعد الموت زي ما انتم بتقولوا - [00:15:58](#)
آآ هيبقى اكيد عندي فلوس وعزوة ورجالة وهابقي اسدد لك ساعتها من الفلوس اللي بتبقى عندي في الجنة قارن دي باية الكهف صاحب الجنتين النارسس. لو فاكرين الانسان اللي عنده نرجسية قال ايه. وما اظن الساعة قائمة. يا عم ما فيش ولا ساعة ولا بعد - [00:16:12](#)

بتاع ولكن لو حقيقي ولئن رددت الى ربي لاجدن خيرا منها منقلبا انا ابن ناس انا جزء من تكويني ان انا غني. انا لو فعلا فيه بعث وحساب انا اكيد داخل الجنة واكيد هيبقى عندي فلوس اكتر من اللي عندي في الدنيا - [00:16:37](#)
كلا سنكتب ما يقوله اقرا معي تسعة وسبعين كلا سنكتب ما يقول ونمد له من العذاب مدا ونرثه ما يقول ويأتينا فردا هو بيدعي ان سلطته قوته ممتدة للآخرة كمان مش هيحصل. كفره ده وسخريته دي هي اللي هتتكتب - [00:16:58](#)
وهي اللي هتتسجل سنكتب ما يقوله. هو قال ايه ؟ عشان نفتكر تاني. ارجع للاية سبعة وسبعين تمنية وسبعين. افرايت الذي كفر باياتنا ما قالش اسم ربنا ليه؟ العاصي ابن وائل مش مهم العاصي ابن وائل. ليه؟ عشان دي عامة. ده نموزج بس للكفار كلهم كده - [00:17:24](#)

افرايت الذي كفر باياتنا وقال لاوتين مالا وولدا اطلع الغيب ام اتخذ عند الرحمن عهدا. هو عارف الغيب؟ عارف ان هو كده كده هيبقى غني في الآخرة؟ ولا هو ربنا باعت له جواب ولا باعت له عهد عشان خاطر - [00:17:45](#)
بيقول له ده الاستيتمنت بتاعة الفلوس بتاعتك في الآخرة عندي كلا سنكتب ما يقول ونمد له من العذاب مدا. اللي بيقوله ده هو اللي هيتكتب بدل الفلوس الكثير اللي هو فاكرا انها ممتدة للآخرة - [00:18:01](#)
عقابه على الكلام ده هو اللي ممتد للآخرة هو ده اللي هيناله في الآخرة. كلا سنكتب ما يقول ونمد له من العذاب مدا. ونرثه ما يقول. هيورس هيورس ايه اللي قاله - [00:18:19](#)

الواحد بيرث يعني بياخد من حد حاجة نتيجة الموت. لكن انت بترث هترث ايه بقى؟ هتورث من نفسك عاقبة الكلام اللي انت قلتاه في الدنيا والسخرية بتاعتك. ويأتينا فردا. اه - [00:18:36](#)
ما هو كان بيقول لك انا جاي عندي ولاد وعزبة وعزوة مش كده يا ولد انا معي عزوة هتيجي فردة هتيجي لوحدا ما حدش جاي معك وما حدش هيجي يدافع عنك ولا حتى يواسيك - [00:18:54](#)

عليك وانت بتاخذ على دماغك ياتينا فردا ييجي بطوله ما عهوش حد طيب واحد وتمانين معي. واتخذوا من دون الله الهة ليكونوا لهم عزا عبدوا من دون الله الهة اخرى عشان يمنحوهم العزة والغلبة والانتصار والفوز والقوة - [00:19:09](#)
ناس عبدوا المسيح وناس عبدوا بوزة. وناس عبدوا الاصنام وناس عبدوا المال وناس عبدوا السلطة وناس عبدوا القوة. وناس عبدوا العلم اقرا اثنين وتمانين. كلا سيكفرون بعبادتهم ويكونون عليهم ضدا - [00:19:35](#)

مش حياالوا لا العزة ولا الفوز ولا الغلبة ولا الانتصار ولا حاجة كل هذه الالهة المزيفة ستقلب عليهم وسيكفرون بعبادتهم. يعني هيتنصلوا من العبادة بتاعة الكفار لهم. وهيقولوا لهم مين اللي طلب منكم تعبدونا اصلا - [00:19:55](#)
سيكفرون مش الكفار. الالهة هي اللي هتكفر بعبادتهم لهم. وفي تفسير اخر الكفار نفسهم ساعتها هيكفروا. لكن الاولى والاضبط هنا هو ان الالهة دي الالهة المفترضة دي اللي هم اتخدوهم - [00:20:14](#)
سواء هم ناس محترمين زي السيد المسيح مسلا او او غيره لكن لكن او الهة مخترعة هيقولوا مين طلب منكم اصلا ان انتم تعبدونا؟

سيكفرون بعبادتهم ويكونون عليهم ضدا. وهيتراشقوا معهم في الكلام وهيتخانقوا معهم - [00:20:30](#)

افتكر الاية في سورة الكهف اثنين وخمسين. ويوم يقول نادوا شركائي الذين زعمتم. يومها هيتقال لهم هيتقال الكفار اندهوا الشركاء بتوعي اللي انتم زعمتوا منهم شركائي واشركتموهم بي فدعوهم يا سيد المسيح تعال يا بوزة تعال يا فلان يا كل واحد بينده على الله اللي كان بيعبده - [00:20:48](#)

فلم يستجيبوا لهم وجعلنا بينهم موبقا. فاكسر سورة الكهف؟ نفس هي هي بس الصياغة اخرى في سورة مريم مش هيستجيبوا لهم بل هيكفروا بهم ويحصل تراشق بينهم ويحصل خناقة بينهم. الم تر ان اقرا بقى معي - [00:21:17](#)

ثلاثة وتمانين واربعة وتمانين ما خلص خلاص. المتر ان ارسلنا الشياطين على الكافرين تؤزهم اذا فلا تعجل عليهم انما نعد لهم عدا مش شفت اني ارسلت الشياطين على الكافرين تشجعهم وتجراهم على المعاصي - [00:21:35](#)

ما تستعجلش. الطبخة بتتسبك فلا تعجل عليهم انما نعد لهم عدة. ربنا بيعد لهم العذاب. اعداد بقى بتاع ربنا هنا في نقطة مهمة اوي هنا في شبهة خطيرة. ازاى ربنا اللي بيضل الناس وهو اللي بيبعت الشياطين طب دول زبهم ايه دول الغلبة! ما هو برضه ما قدروش على الشياطين - [00:21:59](#)

لازم نفهم النفس البشرية كويس جدا. ركزوا بقى معي اوي ايه ربنا خلق كل نفس بشرية جواها كوامن الخير وكوامن الشر. جوة كل واحد فينا حتى سيدنا محمد عليه الصلاة والسلام مش هتبقوا عارفين - [00:22:24](#)

وربنا خلق ملائكة تحثنا على الخير وشياطين تحثنا على الشر واعطى كل واحد منا القدرة على تزكية نفسه يعني تنضيف نفسه تطهير نفسه او توسيخ نفسه وتدنيس نفسه وتدنسية نفسه. فين الكلام ده؟ في سورة الشمس - [00:22:46](#)

ونفسي وما سواها ربنا ييقسم بالنفس اللي خلقها وبفسه هو وما سواها فالهمها فجورها وتقواها. كل واحد فينا جواه الفجور وجواه التقوى في نفس الوقت قد افلح من زكاها ينصف نفسه وقد خاب من دساها - [00:23:13](#)

يعني ربنا يعلم ما ستفعل اه. لكنه ربنا وراك الطريق الصحيح ووراك الطريق الخاطى وقال لك ده الطريق الصحيح واخره الجنة. وقال لك ده الطريق الغلط واخره النار. وقف لك ملائكة على جانبي الطريق الصحيح تشاور لك وتشجعه - [00:23:39](#)

وتقول لك تعال امشي هنا وقف لك شياطين على جانبي الطريق الخاطى تشجعهك عشان تمشي تؤزهم ازة وانت بكامل حريتك بتختار الطريق والطريقين متوصلين بكباري. في اي لحزة ممكن تغير رأيك وتاخذ كوبري ينقلك من الطريق ده للطريق ده او من الطريق ده للطريق ده. في اي وقت - [00:23:56](#)

فما حدش يستغل الايات دي عشان يضحك عليكم ويقول لكم طيب ما هو ربنا اللي خلى الشياطين تؤزكم ازا. لا يا حبيبي احنا الايات بتاعة سورة الشمس واضحة جدا لكل انسان فينا مسؤول مسؤولية كاملة عن اختياراته - [00:24:20](#)

انت انت مخلوق مختلف عن اي مخلوقات اخرى. نتوقف هنا النهاردة وبكرة بازن الله هنتحتفل بالحلقة رقم مية. اعملوا يا جماعة احتفالات بقى على ايه هاشتاج تدبر القرآن وحطوا بقى صورة تورتة وياللا النهاردة الحلقة رقم مية وادعوا الناس انها تيجي هنبدا سورة الشعراء ان شاء الله ابتداء من بعد بكرة - [00:24:43](#)

وآآ بارك الله فيكم. كده احنا داخليين على ثلاث اجزاء على فكرة. احنا قربنا نخلص ثلاث اجزاء بفضل الله. اسأل الله العلي العظيم ان يجعل القرآن ربيع قلوبنا ونور صدورنا وجلاء احزاننا وذهاب همومنا ومغفرة ذنوبنا. اسأل الله ان يجعل هذا التدبر في - [00:25:03](#)

ميزان حسناتي وحسناتكم. اللهم انك تعلم ان هذه القلوب قد اجتمعت على كتابك. واجتمعت على محبتك والتقت يا ربنا على طاعتك وتوحدت على دعوتك وتعاهدت على نصرة شريعتك فوثق اللهم رابطتها وادم ودها - [00:25:23](#)

واهدا سبلها واملاها بنورك الذي لا يخبو. واشرح صدورنا بفيض الايمان بك وجميل التوكل عليك واحييها يا ربنا بمعرفتك وامتها على الشهادة في سبيلك انك نعم المولى ونعم النصير والسلام عليكم ورحمة الله. ونراكم غدا باذن الله ان كنا من اهل الدنيا -

[00:25:43](#)

[00:26:07](#) -